



TOSHKENT DAVLAT YURIDIK UNIVERSITETI REKTORINING B U Y R U G ' I

10.01.2025

23-tm-son

Talabaga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning sirtqi ta'lim shakli bo'yicha ayrim talabalari tomonidan Odob-axloq kodeksi va ichki tartib-qoidalarini buzish holatlari aniqlandi.

Xususan, 1-kurs G potok 3-guruh talabasi Isroilov Begzodbek Ibroximjon o'g'li hamda 2-kurs rus B potok 2-guruh talabalari Akbarov Akbarxo'ja Nodirxo'jayevich, Usmonov Muhammadaziz Ulug'bek o'g'li va Voxobov Izzatillo Ilxomjon o'g'lilar belgilangan talablarga zid ravishda universitet hududida tamaki mahsulotlarini iste'mol qilganligi aniqlandi va holat yuzasidan talabalardan tushuntirish xati olindi.

Ushbu talabalar universitet Odob-axloq kodeksi 17-moddasining to'rtinchi (giyohvand moddalar, psixotrop, sintetik vositalar va ularning analoglari, alkogol va tamaki mahsulotlari, vayp, chilim, elektron sigaretlar va sarxush qiluvchi boshqa vosita hamda moddalarni iste'mol qilish va tarqatish) va o'ninchi (Universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish) xatboshilarida belgilangan qoidalarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003 yil 22 fevral), universitet rektorining 2023-yil 31-maydagi 81-um-son buyrug'i bilan tasdiqlangan yangi tahrirdagi Toshkent davlat yuridik universitetining Ichki tartib qoidalari va Odob-axloq kodeksida belgilangan qoidalarini buzganligi sababli,

BUYURAMAN:

1. Universitet Odob-axloq kodeksi 17-moddasining to'rtinchi va o'ninchi xatboshilarida ko'rsatilgan qoidalarni buzganligi uchun sirtqi ta'lim shakli 1-kurs G potok 3-guruh (ta'lim tili – o'zbek) talabasi Isroilov Begzodbek Ibroximjon o'g'li hamda 2-kurs rus B potok 2-guruh (ta'lim tili – rus) talabalari Akbarov Akbarxo'ja Nodirxo'jayevich, Usmonov Muhammadaziz Ulug'bek o'g'li, Voxobov Izzatillo Ilxomjon o'g'lilarga hayfsan e'lon qilinsin.

2. Magistratura va sirtqi ta'lim fakulteti dekani A.Babadjanov:
ushbu buyruq bilan talabalarni tanishtirsin;
talabalarning shaxsiy hujjatlar yig'majildiga buyruq nusxasi tikilishini ta'minlasin.

3. Mazkur buyruq ijrosining nazoratini o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

A.BABADJANOV



Kelishildi:

Boshqarma boshlig'i

S.BOZAROV



Katta yuriskonsult

A.TURSUNOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV

